

而施行於是承受之儀玄合上典施用節度與真同功贖罪拔難宿結咸解七七之祖於是而欣已身升騰上宴玉宮也

玄都九真明科上品傳經篇

玄都上品第一篇曰大洞真經雌一寶經太

上素靈大有妙經三奇之章高上玉皇寶篇

秘在九天之上大有之宮太玄靈臺玉房之

中上皇之初舊科經萬劫一傳三道正明學

真曰典高上正科七千年內聽得三傳侍衛

至童玉女各七千人執香典靈按科傳授之

法皆對告齋百日分金鈕為盟給玉童玉女

依四極科不依科而傳罪延七祖幽魂充役

吞火食鐵負山運石以填元極之源己身抱

風刀之罰身沒形殘長閉地獄萬不得仙玄

都上品第二篇曰傳大洞真經三十九章於

後學者摺以上金十兩銅二十五斤金鈕五

雙金魚王龍各一枚青絲一兩纏鈕為盟雌

一以上金五兩五色錦縉各五十尺香一斤

金鈕三雙太上素靈洞真玄經上金二兩紫

文百尺青錦二十七尺赤絲五兩香一斤丹

一兩上皇以信措心不得有闕闕則虧科師
犯則遷侍經玉童玉女還於本宮不過三年
身被風刀之拷自然失經受者不依明科目
皆失明形殘七祖父母克北鄭之青萬劫還
生非入之道學者慎之玄都上品第三篇曰

凡有金名東華玉宇上清得受太霄琅書瓊

文帝章紫度夾光玄真變經上清變化七十

四方九真中經丹景道精隱地八術解形道

變流景玉經七變儻天皆九天真玉元始天

王太上天帝君中央黃老君受於太空之中

九玄之內虛无之高章也皆秘在大上靈都

之官紫房之內三元君主之侍衛玉童玉女

皆三千人元始之初經七年千劫一傳自三

道立正之後七年内聽三傳七百年中有人

亦聽傳皆對齋九十日或三十日或九日

告盟而授之給玉童玉女依四極明科若不

依科而傳罪延七祖父母克責鬼官運濛山

之石填積夜之河萬劫還生非入之道己身

被風刀之拷自然失經終不得仙傳者慎之

玄都上品第四篇曰傳瓊文帝章寶金魚玉

龍青縉三十二尺金鈕三雙之摺紫度炎光

五色錦各五十尺金五兩沉香五斤真珠一

斤書刀一口金魚七枚絳紋七十尺之摺上

清變化七十四方青縉四十尺上金十兩金

鈕六雙好香一斤金魚玉龍之摺九真中經

具科落髮為盟今以白絹九十尺唯盟法於

九真之數青絲一斤絳紋二十尺此日暉之

摺碧縉二十四尺月華之摺金銀三雙无常

童子質變之信丹景道精隱地八術解形化

變流景玉經悉上金十兩金魚玉龍各一枚

青縉三十尺紫紋四十尺金銀各三雙七變

併天上金五兩香一斤青縉三十二尺之摺

信以質心不得有闕闕則違科師以天信投

於山栖或投於川栖以救窮乏餘以供營經

書之具不得他散師犯上科奪玉童玉女滅

算奪紀注名度還北鄭受者不依科皆喪魂

失神風刀之拷不出三年自然失經終不得

仙玄都上品第五篇曰消魔智慧玉清隱書

寶洞飛霄絕玄金章紫鳳赤書八景農圖金

真玉光靈書紫文金璫玉珮金根上經三天

正法皆太上道君元始天王金闕帝君之寶
 章秘在玉清之宮金房紫戶之內典衛靈文
 玉童玉女各三千人元始之初皆千劫一傳
 自三天立正之後七百年內聽得三傳百年
 中有其人聽一傳給玉童玉女依四極明科
 授者對齋九十日或三十日或九日而傳不依
 科不傳罪延七玄九祖長充鬼役無有解脫
 己身被風刀之拷死充下鬼萬不得仙玄都
 上品第六篇曰傳消魔智慧寶洞飛霄絕玄
 金章紫鳳赤書八景晨圖皆上金十兩玉札
 一枚金魚玉龍各一枚紫縉四十尺金根象
 經靈書紫文上金五兩金簡玉札各一枚長
 一尺六寸廣二寸四分金魚玉龍各一枚紫
 縉百尺青紋四十尺三天正法青縉四十尺
 青布四十三尺金鏤五雙以為密擔上金十
 兩通神之信金真玉光玉珮金璫玉清隱書
 皆金魚玉龍各一枚以為擔信依科不得有
 闕闕之則師奪玉童玉女注名還度北鄴受
 者皆喪魂失神拷之以風刀不出三年自然
 失經萬不得仙玄都上品第七篇曰七星移

度白羽黑關飛行羽經飛步天網躡行七元
 太上隱書靈飛六甲皆太上太帝君太微天
 帝君登空之道隱化之秘章秘在太上瓊宮
 之上紫房之內侍衛玉童玉女皆三千人依
 科七千年一傳三天立正之後改七百年內
 聽得三傳若百年中有其人便傳傳授告齋
 九十日或三十日給玉童玉女依四極明科
 不依而傳罪延七玄七祖長充北鄴鬼役十
 苦八難己身被風刀之拷身沒幽原萬不得
 仙玄都上品第八篇曰傳七星移度青紋四
 十一尺絳縉七十尺鳳文之羅九十尺金鈕
 一雙白羽經金二兩青縉三十二尺以代裁
 髮軟血之擔飛步天網錦三十尺金魚玉龍
 各一枚太上隱書金魚玉龍之擔靈飛六甲
 素紋六十尺金鏤六雙青縉六兩天科以信
 質心不得有關闕則連玄科師奪玉童玉女
 除落青簿玉名移還北鄴受者不依科止精
 喪神罰以風刀不出三年自然失經終不得
 仙玄都上品第九篇曰諸方大震靈靈落七
 元八天隱文流金火鈴金神虎符消魔支幹

夜照神燭八術隱道紫清玉符五籍洞玄六
 甲上符五行秘文玄都玉格諸符凡有六百
 部太上悉以其文標於舊經之內以為立用
 傳授盟科悉依經科傳授有關罪同上品有
 經元符則天魔害人有符元經則思念无感
 神真不降科云皆不得單行單行罪亦如之
 科經及符本同出於自然之炁虛元之章旨
 故不可得獨修也无科修道萬不成也
 玄都九真科中品誠罪篇左
 玄都中品第一篇曰是諸後學七祖以下有
 殺害人命劫賊攻掠謀圖姦淫暴逆之過九
 族交通謀反无道其考尤重寬對咎速續結
 九陰非赦所原後生皆不得以餘殃之身參
 漆真經竊受寶文若有若至志尚自厲首謝
 七玄重施功德拔出幽魂披露己身於三光
 之下散警叩頭三年不倦自賣重信投九江
 贖解前咎然後聽得清齋百日奉受寶經然
 後行事有此之罪而不先自罰責吐首天寶
 而受法者師及弟子同被風刀之拷七玄之
 祖長閉幽原負石擔山萬劫不解身止失經

明慎之焉玄都中品第二篇曰凡欲修學上法已身先有重罪手殺人命及酷虐下賤熱害衆生劫掠百姓謀圖姦宄九族相交相妬賢能代逆師主不赦之罪積結九陰皆不得參受妙法修行經文若能苦志吐首先犯效功施德披露三光散誓叩頭三年陳謝罰信投河以贖已愆拔出七玄使三界右別然後得清齋百日奉受寶經行事有此之罪而不先自首謝責罰自厲而受經文師及弟子同受風刀之拷魂魄十苦八難身沒幽泉自然失經七祖父母長充幽塗萬劫不解學者慎之玄都中品第三篇曰凡是學者受三奇寶文上清秘經而輕泄目錄以示不固宣露妙秘輕慢寶章者一犯至十罰功斷事三年然後更齋修行過此以上皆罪結九陰考延七祖充役三塗運石負山十苦八難經萬劫得還更生不人之道已身罰以風刀之拷失明形殘死充下鬼萬不得仙奉者慎之玄都中品第四篇曰凡是學者受上清寶經三奇寶文不得哭泣臨見死屍及血穢之厭一犯至十

罰功斷事一年然後得依科自罰拔罪太陰更清齋行事過此以上二十四犯奪算減命玉童玉女還於本宮不出三年失經身喪七玄之祖長充鬼役萬劫不解學者慎之玄都中品第五篇曰凡學者受上清寶經三洞秘文不得帶近婦人及行穢濁之虞皆是混滂真炁十犯至二十四過罰功斷事三百日然後更清齋修行過此以上玉童玉女各還本宮減算促命不出三年失經亡身七祖被拷學者慎之玄都中品第六篇曰凡學者受上清寶經三洞秘文而心懷賊害手行逆暴殺生行凶攻掠姦宄始賢妬能攻毀同惡伐敗經師一犯至十聽得罰信謝責九陰拔罪五岳斷功禁事十年聽清齋還修所受過五以上至二十四犯四司執殺收攝魂神充責北鄭七祖充役經萬劫得還更生非人之道玉童玉女各反上官不出一年失經身亡終不得仙學者慎之玄都中品第七篇曰凡學者受上清寶經三洞秘文不得北向便溺及食五辛六畜之內飲酒任性戲道慢法疑惑

不專十犯至二十四過聽得依科罰信謝過太陰斷功一年然後聽清齋九十日還修所受過此以上減算促命身被風刀之拷七玄充責三塗不過五年失經身亡學者慎之玄都中品第八篇曰凡學者受上清寶經三洞秘文當依科嘗信詣師告齋然後受經不得三不告盟而妄拔寶文凡詣常人得經便師而受焉此皆實使授之不得輕略竊寫及改易聖文以意通決毀名古音自作一法四司所糾罪書九陰一犯至三斷功禁事三年按科自罰投信九河更清齋三十日然後得還修行過此以上至二十四過玉童玉女各還本宮減算奪命身沒鬼官七玄之祖長遭鬼役經萬劫得還更生非人之道學者慎之玄都中品第九篇曰凡受上清寶經三洞奇文當別室安高牀高四尺四寸廣五尺以請三洞寶經明燈燒香朝夕禮願常為供養不得使異炁之人冒發履穢及婦人參入室內觸忤神真此世間所用之科受經之身不得衣服履屐交關非類卧息坐起皆與物有異犯者

從一至二十四過罰斷事一年然後更清齋修行過此以上為四司所執言過玉清遠名鄭都七年身亡失經七祖被拷奉者慎之玄都九真明科下品贖罪篇

玄都下品第一篇曰凡有後學之人七祖父

母生世有犯玄都上品中品第一篇之罪其

考尤重結在九陰七祖怨對幽掠累劫殃充

後代冥速不釋者皆當露身太陰之下披散

叩頭首罪九陰三年自責年竟實金錄九雙

青絲一兩金人一軀投於三河之口以贖七

祖之罪拔出幽魂之難其科朱書五行桐版

一枚記曰

某年某月某子朔如干日某子某郡縣鄉里

王甲七祖父母下逮已身有犯玄都上品中

品第一篇之罪罪結九陰今謹依科罰金錄

九雙青絲一兩金人一軀以贖幽魂酷對之

辜投書告命歸首水官以自解拔罪滅三官

魂升九天畢次以青絲纏物及版以青石沉

之臨沉之時北向仰頭祝曰

太陰九君執司靈官甲今有言歸告河源

信九泉拔出七祖冤對解脫我身登仙畢如此七祖之拷於是釋放得離幽官上昇福堂已身便得參修實經九年尅有真靈降形與神同升也玄科尤重不得又犯玄都下品第二篇曰凡欲修學上真之道若已身先有犯

上品中品第二篇中之罪其考沉結結罪九

陰盤塞冥中上延七祖拷對窮魂纏綿不解

者皆當先於太陰之下北向散髮叩頭首罪

三光三年尅責年竟當實真珠一斤書刀一

枚青絲一兩金人一軀投於三河之口以贖

已身酷逆之過解結三官拔出七祖其科朱

書青緇一尺上記曰

某年某月某朔某日某子某郡縣鄉里王甲

年如干歲甲身先死所見行失玄科身犯元

惡上罹玄都上品中品第二篇之罪罪結太

陰今以依科罰金人一軀真珠一斤書刀一

口以贖已身醜惡之罪投書告命歸首有靈

以自解拔罪滅九河身得長生畢以青絲纏

物及版以青石沉之臨沉之時北向叩頭祝

曰上有太陰執司九君甲今有言歸告河源

贖罪解結拔度九難冤對魂各反自然禍滅學仙我身得升畢如此九陰之結便得解釋冤對之魂反於自然也便得修受上清之經九年不虧真靈降形與神合冥也玄科嚴重不得又犯玄都下品第三篇曰凡修上清

實經洞玄科文已身有犯於上品中品第三

篇之罪共考結於太陽四司所執言奏玉清

犯此之過當斷功克已入室燒香叩頭首謝

此向叩齒十通仰祝曰

太玄幽邀下世希聞輕泄實真上虧帝尊自

取罪負伏款靈門伏願高上曲垂玄恩降以

靈感啓以自然畢便以叩頭九過如此三年

首謝更清齋三十日得上解三官解考九陰

便還修行實秘密念尅得飛仙玄科尤重不

得又犯也玄都下品第四篇曰凡修學上真

之造已身有犯上品中品第四篇目之罪罪

結九陰懸考玉清犯者當於中庭夜半然三

十二燈以洗穢絜清明內外入室燒香北向

叩頭首謝所犯叩齒三十六通仰頭祝曰

世運交喪黃尸翳障穢絜紛紛與真相迎虧

犯科誠身入罪鄉贖以禮謝洗以明燈禍散
三清福充我昌道廢曲流其慶靡央畢又叩
頭九過止如此一年更清齋三十日然後得
還修事檢行慎科勤苦注真九年剋得白日
登慶玄都下品第五篇曰凡修上真之道已
身有犯上品中品第五篇目之罪罪結太陰
考懸香官犯者當作香湯沐浴賞油於中庭
然二十四燈九日入室北向叩頭九過首
謝所犯叩齒二十四通仰頭呪曰
天地乾坤二象交通陰炁混正穢炁彌充喪
神虧寶損落法容謹然明燈上映玄宮禍滅
九陰福慶歸宗畢如此九十日竟退齋二十
四日然後得還修行真法每在告慎明依科
文剋得玄真與形合仙玄科尤重不得又犯
也玄都下品第六篇曰凡修上真之道已身
有犯上品中品第六篇目之罪其罪尤重為
四司所執考結九陰對在幽宮有犯當於太
陰之下披散叩頭首謝玉清解拔太陰依科
當以私寶散乞貧民隨力作食以施飢乏十
年入室叩頭自責北向叩齒九通仰祝曰

天選地廣九原開張身履禍門懸罪王京俠
羅纏絡玄洞雲場散寶拔罪施以窮獲罪消
太陰福生十鄉去故奉新方陸未央畢又叩
頭九過止此乃高上拔罪上法標於正科十
年如此宿罪滯者並消太陰施行自青年竟
更齋百日後得還修行檢身慎法不得重犯
玄都下品第七篇曰凡學上真之道有犯上
品中品第七篇目之罪罪充上清犯者當以
上香十斤送同學之人合十處拔罪一年入
室燒香東向叩頭九過首謝上真叩齒九過
仰祝曰五炁錯綜上真不全身染穢炁觸忤
洞門傷藏伐命挫動三關違科犯戒罪考自
延謹以罰責歸告帝尊乞丐使我於今自宣
去離下世上登天仙畢如此一年年竟更齋
二十四日還修所受剋得真下降明科之大
不得重犯玄都下品第八篇曰凡學上真之
道犯上品中品第八篇目之罪為監司所執
考結三清犯者當以清油一斛於中庭燃燈
多少隨意惟令油盡又以上香十斤奉有經
之師以拔其過三年入室燒香北向叩頭九

過首謝所犯叩齒十二通仰祝曰
天真高遠玄光下明練持宿慶得觀真經未
獲玄科虧略天靈違真犯戒沉身分冥克自
責屬歸告上清自是之後洗濯故形奉承玄
真與道齊并畢三年周竟更齋九十日先
以師受便得修行未經師受當當信詣師度
經修行如法剋得上升玄科尤重不得又犯
玄科下品第九篇曰凡修上真之道有犯上
品中品第九篇目之罪罪結於太陰懸考於
玉清犯者當然七燈於堂前入室叩頭首罪
經前叩齒二十四通仰祝曰玉光垂耀仰徹
上清執躬不禮虧犯寶經悉為四司列罪紫
庭謹重齋敬仰希真靈曲垂下降滅罪消形
攝奉玄科永保元真畢如此一年更齋二十
四日然後得還修行所受玄科尤重宜自明
慎不得又犯右太玄九真明科三品二十七
條出自太上靈都之宮太上常所寶秘不宣
下世今抄立用要訣以付後聖輔明三奇標
於大有素靈之經有骨分合仙便得此文施
用拔罪解咎釋結散理七玄特元三年真靈

見形與子合并同升九天輕泄玄科罪同上
文唯在寶秘密而奉行

玄都九真篇曰傳授經目在九真三品科中
者是後聖帝君始佩經之時受於太上道君
太上授經出三品明科以輔三寶奇文上真

道經施用之科格其三十一卷獨立餘事及
象經儀品悉在四極明科之中九真三品以
三素之上篇置於九帝之宮四極以四司之

官總統衆非糾罰之禁律太真明科以太帝
君所受元始天王天王之玄章上真之儀格
其法秘於九天之上太帝之堂藏誠於上真

之宮不行於世九真明科以禁後學四極明
科總領四達其旨幽微自无金字玉名不得
知聞有得此篇不須學而自成科以禁罪見

科知改知改則先虧於天地无虧於天地則
合自然合於自然便得上補真仙也无科而
學去仙將為遠哉玄都九真篇曰凡有至志

名參玄宮欲單受明科知天法禁然後受經
審有骨分亦可先告盟而授之盟信法物悉
依三奇寶經之數年限亦同知之不得輕泄

付非其人宣露玄文不依科旨死沒鬼官七
祖父母履刀山劍樹萬劫不原外好不依科
旨罪同科文彼此之禁學者慎焉玄都九真
篇曰凡受上法而不承明科虧略天禁罪累
七祖考速一身既知改首罰責自屬還修所
受而迴又犯其考倍先此則骨命不合形與
真反魄同鬼伍皆不得重首復修於真經也
吾今故以明科悟於未悟既知而犯將何要
哉奉者慎之
太帝君偈讚

翳翳无化初眇眇晨霞散太寂空玄上寒朗
二儀判凝精抱玄胎結化孕靈觀含真頤神
內條欵啓冥旦始悟憂促齡還交反天漢蕭
蕭虛虛遊旋行禮玉皇稽首歸太无乘風散
靈香俯仰帝皇堂飄颻隨虛翔妙唱發奇音
吟詠太真章流廣四大界十天量无央闡臺
發幽夜神燭吐奇光璀璨玉林華熠燿耀瓊
堂虛生自然烟霧鬱御玄網群真披霄讚寶
蓋順風昂飛步詠空歌神唱化道長鬱鬱大
化隆濟濟玄道與積學隨日感功滿入大乘

福慶速一切七祖咸得昇整駕凌太華迴轡
絕霄館靈風鼓空洞香花乘烟散蕭蕭禮虛
堂誦誦步玄漢朗詠感幽杳拔度宿根難五
苦應時解流芳注洵灌玄闡峙雲網飛霞翼
靈輿授攜无跡真窈窕入太虛乘空誦玉篇
蕭條詠羽書廣念无不普一切度有餘
天帝君誦

至道生寂寂玄響音相求三真无一炁化
理還殊法輪无影內飄飄清觀流凝章不待
思結悉合玄符靈唱發空歌吟詠步虛遊玄化
本无跡生道宗遨遊九天際息駕六領宮提
携高上賓反我素房中至道虛漢內靈歌發
太空形感至寂庭思詠希微通雲光翳晨暉
停曜廢玉房玄龍不待駕蕭蕭步虛翔手擬
七寶華靈風散奇香妙詠乘杓發繁榮啓玉
童萬蒸混元一總歸三玄梁乘天不云高遐望
九玄遠振翻思玄轡希登暮雲霄積念告靈
感期與玉真交賡曉天漢澄飄飄景雲迴三真
騰空上控轡迅紫微明唱度後身咸令乘景
飛拔出三塗難九玄離苦哀

飛拔出三塗難九玄離苦哀

飛拔出三塗難九玄離苦哀

太微天帝君誦

太真生空洞瓊羅耀寶臺旋行禮玄京衆仙
唱微詩迴轉无跡内虛歌契幽期度身上生
天吟詠積福基策轡太霞館時復宴景雲飄
飄无崖際離苦入玄門意適道亦暢心丹志
亦分積學隨日新詠我素靈文八景運天與
飛霄蔚玄靈素蓋乘風迴寥寥入紫清妙讚
萬真曲玉響何玲玲披拔九陰籍度身及南
庭慶流普一切妙化靡不榮清淨可道宗明
朗煥太空妙化由靜默潛想三素宮積念微
玄虛微微至道通叩詠獨玄寂靈唱靡不隆
丹暉映雲庭紫烟耀玉林煥爛七寶華璀璨
握靈音宮商自相和妙趣傾人衿玄唱種福
田廣度无界心
後聖金闕帝君誦

長得御玄網遊戲九玄臺解懸西羽阿神默
鳴瓊堂飛鳳互參差虛生自然詠真人唱節
和化身劫刃庭綠香命清歌建功立福田拔
度身上羅七玄散幽宮出離无艱那飛步躡
霄嶺翔翮東華宮風雲虛中唱玉音散瓊臺
真人詠空歌妙響絕雲房解我自然祿成我
積劫功長嘯九玄上清曠觀空同龍吟絕宅
府鳳嘯太霄館虛唱先留味哀音乘風散誰
能究此章精誦素靈讚以解九陰過拔度七
玄難
太極真人曰太上素靈洞元妙經以元始同
生靈文既存衆真詣座燒香禮經旋行誦此
二十一篇之章以慶於神庭也玉音激朗清
徹九天其句幽微妙趣傍通誦誦一過萬神
啓靈常能究習與帝合真解宿對之重責拔
七玄於幽宮釋五苦於愁魂度身生於上天
妙乎微哉斯之靈文也

洞真金房度命綠字迴年三華寶曜内真上經
南極總司定錄上真禁君以始皇元年歲在
壬午七月七日中時於上上禪善无量壽天
王國七寶洞虛鳳京紫臺瓊林之下啟稽首
玉軒請問玉帝虛皇天尊忝胤皇基命挺宿
根輪轉九化結胎瓊津三丹秀景日吉啓晨
自龍皇曹希慕九玄修研靈典思真念神長
齋瓊闕時不虧間歷稔劫訓名題帝篇位登
上司總監萬仙而未獲啓授度命之方運推
數至時不常有願賜寶訣以度後賢於是虛
皇道君告南極總司上真禁君曰金房度命
迴年之訣秘在九天之上大有之宮金臺玉
室九曲之房侍典玉女乃三千人此道玄微
非中真所參舊科萬劫一傳得行此法與九
炁同根齊光三景天地長存修之一遍胃藏
通津十遍朗徹與靈共言百遍度命内化胎
仙千遍乘空飛行上清萬遍道備位加仙卿
乘煙駕虛上造帝皇今以相告慎而行焉即
命五老仙都南昌上宮監錄司馬定仙上真
以金房度命綠字迴年三華寶曜内真上經

盟授於君投盟告誓於元量壽天至中皇元年歷數以傳南極上元君萬始先生黃童中真金華仙人太和玉女太素三元君金闕帝君上相青童君今封一通於峨嵋山中若有玄圖帝簡錄字上清金骨玉藏當得此文然三道運周九陽應期本正元皇當行道真宿有仙籍剋得其文得者寶秘慎勿妄宣大帝靈都宮中有二十四萬上真仙人皆鑄黃金為簡刻白銀結編紫筆書文齊聲合真誦詠此篇玉響遼朗聲表九天通神致靈反華迴年遊行禮唱妙冠洞真故能度命天地同根有得此道尅成上仙

此經高上之玉章天帝之靈篇羅分一形之內通理百關誦之一遍妙理自鮮誦之十遍反容童類誦之百遍內化胎仙誦之千遍坐在立亡萬遍道備白日登晨長齋窈窕不關風塵道无不降計日昇仙若有篤尚未能道身故慶人中常能別室清齋燒香晨夕禮拜誦詠靈篇可得禳災辟却萬患禍消上官罪滅九陰萬遍積感身登雲房凡行度命之道

當以本命太歲之日又甲子八節之日入室東向服炁九咽存大帝君仍再拜轉南向服炁九咽存南極上真君仍再拜轉西向服炁九咽存三天長生君仍再拜轉北向服炁九咽存高上虛皇君仍再拜亦可悉東向心拜四方而服炁也畢向本命上叩齒三十六通咽炁三十六過止向太歲上引炁二十四咽止還北向誦經誦經十遍為一過訖則服金房保命符各一枚十遍便十服符隨過之限此則通神致真生見八方調理百關節節納靈萬炁總歸則能長生壽極天地三光同年也北向執經叩齒三十六通心存室內有五色紫雲覆滿一室內外鬱冥微呪曰

玄玄九重炁至道生上元三輪空同瓊五轉度命雲迴年九御中萬遍道乃分太漢何寒寥正存帝一君內六混合金房內胎息靜百關畢便誦經也

金房度命錄字迴年三華寶曜內真上經金房之內有真人化乎玉國生寶隣紫雲婆娑鬱九玄結成瓊臺體自然玉樓金闕對兩邊

派霞丹霄真靈真綠華浩浩輝中田上有菱峯九重天下有萬丈幽谷泉合會洞門造雲根玉女仙童各三千執巾侍香揚紫煙千千百百皆群仙整束法服誦靈篇輪轉金房以迴年三華寶曜洞明鮮十誦一遍造上元吞咽靈符畢乃還靜思五藏理百關百關之內各有神太微小童對帝真安鎮舌本通液源太一務敵度要言近填玉枕下泥丸帝君陵陽梵命幡徘徊兩眉正中分元英公子固靈仙化生在左腋肝後門洞陽鬱靈是白元填光

右腋正四負中央司命丈人君明初執籍度兆身保練絳官長乃存

桃君道康合精延齊下官闕填靈根天帝赤子三元先泥丸之內九孔前丹皇運珠絳宮神上填項中大槌邊元王始明本自然填在四際與口連八真合景泰九玄下填背骨集

中田七真玄陽度命年填兆玉闕右腎間通神致命百液津

六真上元連紫煙填兆頭外與內纏五真養光法三元填兆喉內執妙篇四真青明反童

頰填北胃管萬神權三真黃寧色如丹填鼻
兩孔通幽關二真堅玉炁香蘭填在太倉元
艱難一真天精神靜安填在胃中絳生官悉
衣錦衣飛青裙為北度命塞死門審存口詠
誦靈文十讀一遍義理分不但長生昇九玄
九九之真諱拘填在左耳神聰慧竊竊萬萬
里入无際宮宅鬱鬱仙皇位教北度命合符契
皇一之魂諱上歸填在右耳總萬機聽聲別
鳴同幽微三合成一齊光輝紫素元君諱鬱
鬱填北頭面光明發呼吸五晨咽日月靈芝滂
電元飢渴黃素元君諱圓華填在胃腹結雲
羅制御北帝檢天魔正真保練虛皇家白素
元君諱落明填北下關固太靈上通九孔鮮
光榮拘魂制魄使常生日中司命諱接生填
兆左手四大明五華保真置雲管仰引日月
咽元精度命迴年窮天齡

嬰填北右目陰內精洞觀天關監帝庭豁若
三晨乘運征肺部童子諱素明填北肺戶內
外清遊魂散魄付黃寧檢攝帝房无虧盈胎
中一元務玄子太一精魂玄歸子填北五藏
結喉裏保神固炁令不死結中炁君紫廷昌
元君精魂保谷童填北五藏大胃宮鈞受津
液及嬰蒙朱英玉芝自逸充
節中黑炁生炁來帝真精魂諱幽臺填北九
腸統四維能明此真壽无期胞中黃炁祖明
車與帝同治共室虛精魂理維藏隱書何不
獨思想玄虛萬遍自足登雲與
血中赤炁混離子司命精魂發紐子二神共
填百關裏調和炁液衛形已能明此道終不
死壽得萬年乃方始上元元父高同生下玄
玄母叔火王填在胞囊下明堂太一重冥御
玄綱帝尊明真正相當大帝精魂諱陽臺八
虛迴道翼明光帝魂元何共一房同填本命
太幽宮七神合契運明梁迴年度命永无窮
三素老君諱穿張練化八道度大鄉左仙什
成治中央右仙曲文對在傍三神合靈在人中

玄一老子林虛靈玄關蕭蕭乃清涼黑帝保
成填勝脫白帝安來虛陰囊赤帝來覺口中
方青帝雕梁五藏宮五帝二老兩仙王衛侍北
身升雲網帝卿上元肇勳精絳宮中神中光堅
下庭之神歸上明三一真君守北形各填宮
其炁精審能存之致長生不但不死昇玉清
帝一真君父寧在母精二神待北紀填防形
內死關裏上下羅列相後使不離宮闕曰常
在北常誦之見赤子萬炁混合結成真各部
天兵填北身審而存之自當分長壽積感見
真人投兆金房迴年篇名書帝錄有宿緣皆
由勤慕非自然十遍一過萬神欣三年之中
道當前見形紫房與兆言降致綠軒飛雲軒
遊宴五岳造帝晨上謁太虛玉皇前稽首禮
拜更受仙誦經畢當存室內生自然紫炁鬱
勃相吞入兆身中皆從鼻口兩耳而覺體小
熱口引三十九咽微咒曰
萬炁混合成神虛各填宮室炁清虛三十九
孔死命除名言金簡綠字書萬慶欣欣福有
餘神登金關升雲與

凡有金名帝簡紫字上清得受此文皆宿擬應仙青宮紀名給玉童玉女各三十六人侍典玉經營衛有經者身修行此道不得履滄入穢食五辛腥臊之屬觸忤藏神傷真犯炁不得入仙

金房度命迴年中真玉符




每以本命之日青書白紙向壬方服之。二枚入室誦金房內真經一遍書符如法服一枚服之百枚上元通暢百關朗開死炁消滅神明總歸服之千枚上元真君見形泥丸思存髮鬚與神共言服之萬枚靈煥百關孔孔納真赤子惟欣上感。

金房度命迴年中真玉符

每以太歲及甲子之日黃書白紙向太歲服



每以八節之日赤書白紙隨節所向服之一枚入室誦金房內真經一遍書符如法服一枚服之百枚中元開真百關納靈內外朗清服之千枚中元真君見形終宮思存髮鬚若見若亡保固赤子及老成童服之萬枚靈根炁充百孔納真胃藏鮮明上徹。太微降致紫軒北鄴區死南宮記生天地合德三景齊靈。金房度命迴年下真玉符。



之一枚入室誦金房內真經一遍書符如法服一枚服之百枚下元幽關受九靈之潤百關朗清萬炁總歸內外徹明服之千枚下元真君髮鬚見形萬枚道備孔孔結靈死炁都消舉形成仙上感上真降致玉晨度命迴年日月同根飛行太空昇入帝晨。書符皆向王上叩齒三十六通仰祝曰天靈節榮九孔肅清五官六府神華鮮明三元填固萬炁充盈金房度命綠字反生三鍊九孔昇入太清三景同輝天地齊并飛行玄虛遊宴紫庭畢咽炁四十六過止便服符。修度命迴年之道每以六癸之日取北泉之水一斛就本命之日取白芷挑皮栢葉各一斤合煮令沸正中而浴臨浴時向本命叩齒九通思玉童三人執巾在左玉女二人擊香在右紫雲華蓋覆列前後微祝曰天地洞清洗穢除塵鍊化九道反形太真百關納靈節節受新清虛監映內外敷陳日吉時良度命迴年玉童玉女為我執中玄雲紫蓋冠帶我身使我長生天地同根畢便浴浴

訖還入室東首而卧取粉自飾通身令匝仍
摩兩掌令熱拭西二七過微祝曰

天玄炁清我身已精塵穢消除九九受靈使
我變易還及重形引炁三十六咽都止行此
之道三年故形皮膚悉脫華骨更生體映玉
光面發金容此衆道之妙法不傳於非真輕
泄七祖被拷長沒鬼官學者密修尅得神仙
受度命迴年之道當依科師弟子各齋九日
或三日或五日資盟隨年之繒年一尺金人
二兩四銖一形誓九天度命代形之信不盟
而修道不降感恩不啓靈違科犯禁考屬右
官奉者明自慎焉西城真人於陽洛宮授魏
華存令封一通於陽洛之山

洞真金房度命綠字迴年三華寶曜內真上經

洞真太上上清內經

內七

上清高真元始天王時與五老上帝九天真
王十方大聖衆無極至真諸君丈人同於赤
明世界栢陵舍中坐香園之中長桑之下天
王迴駕諸天降席是時雲霧鬱鬱四景冥合
九日九夜玄陰不解天地無光有如龍漢之
前幽幽冥冥五老上真前進作禮上白
天尊今日侍座所未嘗經天尊出遊諸天傾
駕上帝高真神仙玉女日月星宿璇璣玉衡
三界官屬五嶽山神河海水帝一切神靈莫
不擬肅侍衛天真當時天朗氣清風不搖條
地無飛塵河海靜默山嶽藏煙時和炁定使
生死同歡而閉天光明白晝陰天人惶怖
四座不寧不審何故所緣如是願垂告誨令
衆見明饒益一切普得安全天王上真元始
天尊告曰今日同座歡樂難過天發瑞應自
然玉宇金書煥爛障蔽天光未通之始致如
晝冥日慶時合希所嘗有今當爲四衆開天
妙真九天正名真諱以度上真之人應得道
之身咸令一心念真閉目伏地於是大聖高

仙十方衆真大衆無執數衆不可勝計同時
伏地聽命俄頃之間天炁朗除冥闇豁消五
色光明洞徹十方忽有天書自然空生字方
一文自然而見虛空之上空玄之內五色光
中文彩煥爛八角無芒精光亂眼不可得着
元始天尊普告四座十方無極大衆此是靈
書九天真諱合和之炁空生自然九天所說
杳與難可尋詳吾昔付真人口訣秘於洞房
金華之宮今以告子克得上真與道合體非
朝則夕明慎閉口修而行之

元始告太上大道君曰妙道宜明便可注筆
解其正音使皇道既暢澤被十方周歷八極
六合之內六合之外脫有靈瑞應運宿植重
綠有合真之人宜以告乎上仙上白

天尊元始天王曰輒當因流揚波乘風鼓旗
自隨運轉輪儀劫以來屢經侍座教導一切
初未如今日遭值聖通開諸法門得見天書
自然至真骨相應圖合五和之音非愚情短
思所能洞明今既厠座仰祈觀玄不敢藏情
輒當乘範周歷八極六合內外按所見書傳